



Komunikadu ba Imprensa

Hodi fahe kedas
Dili, 8 de Juñu, 2012

Uniaun Europeia Misaun Observasaun Eleitorál iha Timor-Leste atu observa Eleisaun Legislativa 7 de Jullu 2012

Konferénsia Imprensa

Sra. Fiona Hall, Xefe ba Misaun Observasaun Eleitorál Uniaun Europeia nian (MOE UE), sei apresenta misaun iha konferénsia imprensa ne'ebé sei hala'o iha loron-ohin, 8 de Juñu, tuku 4.30 lokraik, iha Sentru Konvensaun Dili (uluk Merkado Lama)

Xefe ba Misaun Observasaun Eleitorál Uniaun Europeia (MOE UE) iha Timor-Leste 2012, Sra. Fiona Hall, ne'ebé serve mós nu'udar Membro husi Parlamentu Europa nian, sei apresenta oficialmente misaun ne'e iha konferénsia imprensa ne'ebé sei hala'o ohin, 8 de Juñu, tuku 4.30 lokraik, iha Sentru Konvensaun Dili (uluk Merkado Lama).

Hafoin nia to'o iha Dili, iha loron-kinta, 7 de Juñu, 2012, Sra. Fiona Hall sei haree liu-ba importánsia husi eleisaun lejizlativa iha 7 de Jullu, 2012 iha Timor-Leste hanesan tuirmai ne'e:

"Eleisaun lejizlativa 2012 nu'udar pasu ida-ne'ebé importante hodi hametin prosesu demokrátiku iha Timor-Leste. Liuhusi prosesu hirak-ne'e, instituisaun timoroan sira bele sai forte no hamriik mesak. Eleisaun nu'udar oportunidade ba públiku no votante sira atu hili kandidatu polítiku sira-ne'ebé sei reprezenta sira iha Parlamentu no atu determina sé mak atu kaer ukun ba tinan lima oin mai. Eleisaun ida-ne'ebé nakloke no transparente, ne'ebé hetan partisipasaun husi partidu no kandidatu oioin, mak hanesan riin importante tebetebes ba demokrasia".

Sra. Fiona Hall hala'o tiha ona enkontru oioin ho parte sira-ne'ebé envolve an iha eleisaun lejizlativa 2012. Iha enkontru sira-ne'e, Xefe Misaun diskute asuntu hirak relasiona ba prosesu eleitorál hamutuk ho kandidatu no partidu polítiku sira, Komisáriu sira husi Komisaun Nasionál ba Eleisaun (CNE), representante sira husi Sekretariadu Tékniku ba Administrasaun Eleitorál (STAE) iha Timor-Leste, no mós ho representante sira husi organizasaun sosiedade sivíl sira nian. Xefe Misaun esprika mós knaar MOE UE nian hanesan tuirmai ne'e:

"Ami sei fahe ami-nia observadór sira ba distritu hotu-hotu no sira sei halo observasaun ba preparasaun eleisaun nian. Sira sei hasoru malu no koalial ho parte relevante oioin no sei participa iha komísiu polítiku iha distritu sira hotu no iha kapitál, Dili."

Ekipa prinsipál ida, ne'ebé kompostu husi especialista eleitorál na'in-6 husi Estadu-Membro UE sira nian, to'o ona iha Dili iha loron 26 de Maiu, 2012 hodi halo koordinasaun no hahú prosesu observasaun



UNIÃO EUROPEIA
Missão de Observação Eleitoral em Timor-Leste 2012



eleitoral. MOE UE sei haruka mai observadór na'in-28 ba tempu naruk no observadór na'in-12 ba tempu badak ne'ebé mai husi Estadu-Membru UE nian hamutuk 25, no mós husi Suisa no Noruega, ne'ebé sei distribuidu ba distritu 13.

Molok loron 7 de Jullu, delegasaun ida-ne'ebé kompoin husi Membru Parlamentu Europa sira sei tama misaun hodi halo observaun ba eleisaun. Ekipa observadór sira ba tempu badak ne'ebé rekrutadu husi embaixada sira husi Estadu-Membru UE nian iha Dili no Jakarta, sei halibur an ho MOE UE hodi halo observaun iha loron eleisaun.

Observador ba tempu-naruk hamutuk nain-28 maka sei to'o iha Timor-Leste iha Sabadu dia 9 de Juñu no sira sei desloka ba 13 distritos iha dia 13 de Juñu. Observador hirak nee moos sei akompañadu husi observador ba tempu-badak sira iha semana ikus molok eleisaun komesa.

Haree ba totál, maizumenus observadór na'in-70 sei haruka ba distritu 13 hodi halo observaun ba eleisaun ne'ebé sei hala'o iha 7 de Jullu, 2012.

Misaun ne'e estabesele tiha husi Uniaun Europeia atu halo observaun ba eleisaun lejizlativa iha Timor-Leste hafoin hetan konvite husi Governu Repúblika Demokrátika Timor-Leste nian.

Misaun observaun eleitoral UE nian sei avalia enkuadramentu legál, serbisu administrasaun eleitoral nian, oinsá media hala'o ninia serbisu, knar sosiedade sivíl nian no partisipasaun fetu sira. Liután, Misaun mós sei analiza kontestu jerál husi eleisaun, kampaña eleitoral, prosesu votasaun iha loron eleisaun, sura votus no hasai rezultadu, hamutuk ho atividade hirak-ne'ebé hala'o hafoin eleisaun, inklui prosedimentu keixa no reklamasan sira ne'ebé apresenta husi parte hirak-ne'ebé envolve an iha prosesu.

MOE UE sei banati-tuir "Deklarasaun kona-ba Prinsípiu Observasaun Eleitoral Internasionál no Kódigu Konduta ba Observadór Eleitoral Internasionál sira" ne'ebé adota husi organizaun oioin ne'ebé envolve iha observaun internasionál husi Organizaun Nasoins Unidas iha Novaiorke, iha loron 27 de Outubru, 2005.

Loron rua hafoin loron eleisaun, MOE UE sei hala'o konferénsia imprensa iha Dili hodi hato'o ninia deklarasaun preliminar ne'ebé apresenta análise dahuluk nian husi prosesu eleitoral bazeia ba observaun ne'ebé hala'o ona.

Maizumenus fulan rua hafoin eleisaun, Misaun sei fó-sai ba públiku relatóriu final ne'ebé inklui rekomendasaun hirak ba eleisaun aban-bainrua nian.

Hakarak informasaun liután, favór kontaktu:

Claudia Aranda, Asesora ba Imprensa no Analista Komunikaun Sosiál husi MOE UE iha Timor-Leste 2012

Hp.: (670) 7525362

E-mail: claudia.aranda@eueom-timorleste.eu

Renato da Costa, Asistente ba Asesoria Imprensa husi MOE UE iha Timor-Leste 2012

Hp.: (670) 7884674

E-mail: renato.costa@eueom-timorleste.eu